



CH-7144 Vella, 29 da november 2018

Novitads dalla suprastanza communal Lumnezia

La suprastanza communal Lumnezia ha approbau las suandontas fatschentas:

Ordinaziuns

- a. L'Ordinaziun per il diever dallas vias d'alp, da funs e d'uaul cun vehichels a motor per la vischnaunca Lumnezia, la quala va en vigur cun igl 1. da schaner 2019.
- b. L'Ordinaziun per il diever da parcadis publics. La procedura da publicaziun ei instradada.

Anteriura casa da scola Vrin

Ina part dallas localitads ell'emprema alzada dall'anteriura casa da scola a Vrin vegnan baghegiadas entuorn e messas a disposiziun per affittaziun pil diever da biro d'architectura a Gion A. Caminada da Vrin.

Surdadas incaricas da lavur

- a. Tagl da lenna egl uaul da Seglias, Suraua:
 - Tagl da lenna alla fatschenta Solèr Holz AG dad Uors
- b. Tagl da lenna cun crana da sugas egl uaul Tgiern, Vrin
 - Tagl da lenna a Leo Alig, da Vrin
- c. Sanaziun dil terren contaminau dil stan da sittar da catscha a Bual, Vella:
 - Lavurs d'impessari alla fatschenta Corsin Casaulta da Schluain
- d. Via da quartier Bual, Morissen:
 - Lavurs d'impessari alla fatschenta Savoldelli Tanno SA da Vella
 - Installaziuns sanitaras alla fatschenta Oscar Caduff SA da Cumbel
- e. Sanaziun casa da scola Sutvitg a Vella:
 - Lavurs d'architect e survigilanza alla fatschenta Cavelti Derungs AG da Glion
 - Seiv entuorn il plaz da pausa alla fatschenta Gartehag Hardegger GmbH da Malans
- f. Vias da velo Alp Sogn Carli – Fantanuglias / Linaus / Ramanastga:
 - Lavurs d'impessari alla fatschenta Collenberg SA da Lumbrein
- g. Illuminaziun da via per la via cantunala el vischinadi da Vrin:
 - Cazzolas e lavurs d'electro vid ils candelabers alla Societad Ovra electrica da Lumbrein
- h. Illuminaziun da via per la via cantunala el vischinadi da Cumbel:
 - Cazzolas e lavurs d'electro vid ils candelabers alla fatschenta Soller-Partner AG da Vella

Execuziun controllas dil scamond da far fiug

La suprastanza communal sa incumbensar tenor art. 29 al. 2 dalla lescha davart igl uorden public instituziuns adattadas (p.ex. Securitas) cun las controllas dil scamond da far fiug. Il cumandant da pumpiers ed ils vice-cumandants da pumpiers obtegnan il dretg da survigilanza cun la cumpetenzza da clamar la polizia cantunala en cass da cuntravenziuns.

Practicanta tier l'administraziun communal Lumnezia

Flurina Demont da Vella vegn engaschada per in practicum d'in onn tier l'administraziun communal, naven digl uost 2019 tochen il fenadur 2020.

Sustegns finansials

- Alla Pro Juventute per brevs a geniturs d'affons pigns
- A Stina Hendry da Vella per il cudisch "Sin lautget"
- All'Uniun da teater Cuschnaus per il project "la reverenza"
- Alla Somedia Production AG da Cuera per il Calender Romontsch 2019

Contract da sponsoring

Il contract da sponsoring cun Vital Albin da Tersnaus vegn prolungius entochen la fin fevrer 2021.

Diever gratuit dallas pendicularas Sursaissa Mundaun pils affons dalla scola obligatoria Lumnezia

La vischnaunca Lumnezia surprenda per la sesiun d'unviern 2018/19 ils cuosts digl abbonement da sesiun per il diever dallas pendicularas Sursaissa Mundaun dils affons tochen la vegliadetgna ch'els fineschan la scola obligatoria, cumpriu tals che frequenteschan gimnasis e scolas da talents. A quels che han gia retratg igl abbonement per la proxima sesiun d'unviern vegn restituida la summa da CHF 110.00. A quels che han cumprau il pass da skis Surselva 2018/19 vegn era restituida mo quella summa. Ils cuosts da CHF 16'000 – 17'000 vegnan finanziats sur la vischnaunca.

Traffic public gratuit

La vischnaunca Lumnezia ha fatg ina cuvegna cun la AutoDaPosta Svizra SA per che indigens e hosps sappien nezegiar gratuitamein ils mieds da traffic publics durant la sesiun d'unviern 2018/2019 cun in cuost brut da CHF 100'500.00.

Cuvegna cun Innoinvest AG per reservar il terren dalla piazza da sport a Bual, Vella, per realisar in hotel

La vischnaunca Lumnezia siara giu cun la Innoinvest AG da Turitg in contract limitaus entochen ils 31.12.2019 per la reservaziun da terren a Bual, Vella, per baghegiar in hotel. Sch'il project per in hotel ei sin la fin 2019 buca concretisau, croda la cuvegna ed il project vegn serraus giu.

Conclus dalla radunonza communal Lumnezia dils 05 d'october 2018

Dalla radunonza communal Lumnezia dils 05 d'october 2018 han las votantas ed ils votants priu ils suandonts conclus:

- approbau il project per la revisiun parziala dalla planisaziun locala Lumnezia, che cumpren la reuniun dallas leschas da baghegiar dils vischinadis dalla vischnaunca cun excepziun da Vrin
- approbau il project per l'avertura dil quartier Bual a Morissen e concediu in credit da project da CHF 922'000.00
- approbau il project per igl indrez da pilotadi per il provediment d'aua dalla vischnaunca Lumnezia e concediu in credit da project da CHF 576'000
- concediu in credit supplementar da CHF 9'511.20 ed approbau il quen final dil project da sanar il mulin a Morissen per scaffir la pusseivladad da transformar igl object en in menaschi d'ustria
- approbau il quen final dil project per ina cuvrada da betun sin la via Resgia – Tgiern a Vrin cun ina summa da CHF 255'404.35
- approbau il quen final dil project per ina cuvrada da betun sin la via Quadra – Sogn Bistgaun a Degen cun ina summa da CHF 159'842.85.
- approbau il rendaquen per igl acquist d'in vehichel communal pil survetsch tecnic dalla vischnaunca cun ina summa da CHF 159'429.00.